

QVÆSTIO MEDICA.

QVOD LIBETARIIS DISPUTATIONIBVS MANE DISCVTIENDA

IN SCHOLIS MEDICORVM, DIE IOVIS XVII. DECEMBRIS,

M. IOANNE PIETRE Doctore Medico, moderatore.

An inclinante febrium intermittentium accessione peropportuna purgatio?

848

OPTIMVS quisque Medicus ab omni statim febre pertimescit, & siue continenter infestet, quem semel apprehendit, siue aliquid ei solatij per breue intermissionis spatium indulgeat, ne se imprudente æger opprimatur, sedulo cauet: at plerumque intermittente febre laborantibus in vtramque autem domuisse, inconsultis Medicis, oppidò nocet; dum falsa spe vitæ in posterum beatoris elusi, nec opinantes intereunt: neque enim verisimile est, quod vulgò dicitur intermittentes febres nullas esse cerniales. Certè illæ longius à corde, quàm continuæ nascuntur; verum si fortasse humor, in quo primum accensæ sunt, quodam æstu in principem partem abripiatur, neque inde auelli, neque partis ipsius genio tam facile possit mitigari, quàm si eodem sanguis è maioribus vasibus exiliisset. Etenim inflammatus sanguis, aut corruptus in amplioribus venis continuam febrem generat; intermittens vero excitatur de rancida quadam veluti sanguinis fœce, in aliquo ignobili viscere temporis longinquitate collecta, & in flammam aliquandò erumpente; vt qui medicinâ vtriq; facere voluerit, sanguinis detractione continuæ potius adhibeat, intermittentem verò purgatione citius se amoliturû speret.

OMNIS, quæ recta ratione instituitur, purgatio naturæ mollissimo tempore obsecundare debet. Friuola & vana est, quæ nullum omnino humorem agit aut commouet: noxia & periculosa, quæ non satis anteperspectas corporis vires frangit: quippe quantamcunque adhibeas in eligendo purgante medicamento cautionem, quin aliquantillum negotij naturæ accessus, præstare non possis. Quantam igitur stragem edes, imprudentius ad purgationem accedas? quæ, nisi naturæ commodo adhibita sit, veneni vice fungitur. Idcirco duo maximè ad purgationem æstimanda sunt, ægri, morbiq; natura: altera hominis vires naturali temperamento, ætate, & consuetudine comprehendas explicat: malialtera vehementiam, humoremque illius auctorem, atque eiusdem quandam veluti aut viriditatem, aut maturitatem. Anni verò cœlique temperies neminem quenquam prudentem Medicum à purgatione remorabitur. Quandoquidè in purgando hoc vnum palmarium est, bene intellectis ægri vitibus, confectum iam, maturumque humorem morbosum educere, qualis est qui declinante morbo residet in corporibus, cum natura expectare videtur subsidiam Medicinæ operam, medio ipsâ vt plurimum in conatu resistans.

FEBREM intermittentem variant diuersi humores, qui putrescunt in visceribus: eamque primum triplicem faciunt: quotidianam singulis diebus à pituita exandescentem, tertianam à bile flaua alternis tantummodo, & quartanam ab humore melancholico quaternis quibusque repetentem: ac deinde variis inter se permixtis modis innumeras pene constant febrium intermittentium formas, crebrescentibus interdum mixtis accessionibus. At febris intermittens qualicumque sit, tanquam multiplex compositusque morbus est; nam toties morbum iterat, quoties, quasi præstituta die, redit accessio, circuitus pars deterior, in qua hominem febris habet. Ipsa in quatuor, reliquorum morborum in morem, tempora tribuitur à Medicis principium, incrementum, vigorem, & declinationem. Morbi autem cuiusvis principio omnia ad huc cruda sunt: crudus verò humor tantum diu dicitur, quandiu putredine vehementer à naturâ abalienatus, quasi constrictam oppressamq; eam tenet: quo tempore, si quis fortè Medicus obtrudat ægro purgans medicamentum, nihil opus agat, quàm si hominem ingulet; namque prostratam à morbo naturam sua arte confecerit: hinc cautum est Hippocraticis legibus, ne quis crudos humores de corpore amoliendos suscipiat, nisi quem admodum furæ libidine belluæ huc illucque incerto cursu vagantur, sic illi in corporibus, cæco morbi impetu acti, cursive sent, ac metus sit, ne in principem aliquam partem irruant: tunc enim aperienda est humoribus ad exitum ianua, neque tamen vehementioribus remediis, tanquam sustibus, abigendi sunt, ne æger cum ægritudine malè pereat, sed vis medicamenti tam caute cum robore naturæ committenda est, vt ipsius magis studio, quàm morbi odio agere videamur.

NATVRAM in opere faciendo magistrâ, ac ducem sequi omnes Medicos æquum est, quæ nunquam nisi inuita morbi initio quicquam emittit: si quid enim tunc prodeat, in symptomaticæ, quod aiunt, potius, quàm naturalis vacationis loco habendum est. Intermittentium, & continuarum febrium initio frequenter euenit, vt aliquid quacunque ratione erumpat: an inde subleuatur æger? & mitiore febre vitetur? an potius longè peius se habet? & quò malignior morbus est, cò vehementior & copiosior sub eius aduentum vacuatio accidit? at in febris incremento, quamuis natura se parumper erigat, quid possit per se præstare non apparet, quantominus irritata medicamento. Verum postquam ventum est ad summum, & cum morbo fortiter natura decertat, graue peccatum fuerit artificis potionem impingere, intentamque pugnam naturam aliò reuocare, vt, diuisis pugnant cum morbo & medicamento viribus, facilius concidat & obruatur. An vquam obseruatum est hoc tempore naturam salutarem aliquam vacationem suscepisse, vt eius exemplo ad vacuandos humores exitemur? In sola quidè morbi declinatione nos ad purgationem natura vocat, quæ tunc maximè suo Marte conatur humores excernere, quos reliquo morbi tempore excoquendo demulsit. Hoc in singulis intermittentiū febrium accessionibus agere natura consuevit, atque, inclinante morbo, partem semper aliquam, febrilis humoris quacunque via extrudere, quasi sua presentia vigeret opus, & Medicos sui muneris officiiq; submoneret.

TEMPORIS declinationis rem omnem ægrorum in vado esse nemini planè constât, neq; omittenda est propter securitatem purgatio: imò aut còmodius, aut magis necessarium ad purgationem tempus nullum inuenias. Nihil enim ad purgationem conuenientius, quàm sequaci, neque refractariolo humore naturam alacrem, & de victoria exultantem sociam habere, atque adiutricem in egerenda morbi causâ, quæ per solum ventrem exportanda est: sudoribus enim & vrinis quod minimum ad perfectam grauiorum morborum curationem proficuitur. Accedit eo tempore purgandi commodi summa quadam necessitas; nam fatiscente iam morbo si humori spatium dedideris ad nouum incendium excitandum, penè afflictam perfuncto periculo debilitatamque naturam huic alteri multo maiori, ipsâ si velit salus, vix eripiat. In febribus etiam intermittentiibus, quæ deinde expectatur accessio, aut nulla erit, aut longè leuior, si inclinante priore, viscerum sordes, quantas potueris, omnes euertaris. Id omittas in paulò grauiori febre, dubium incertumque sapere reliquas future accessionis euentum, & vt bellè cum ægro agatur, intermittens sibi continuam comitem adiunxerit. Febris enim intermittens inflammationi suppuratione consumilis est: hanc si nondum pure confecto in summa conflagratione vulneres, gangræna obuenciat: nisi maturam seueris, putrescendo latius proserpet & manabit, actis quasi cuniculis, pus, & graui aura deinde cor afflando febrem aliquando pariet non planè vacuam periculo. Sic febris intermittens purgatione mirandum in modum primo accessionis tempore irritatur, in maxima videlicet commoti humoris cruditate, qui excoctus sub declinationem negligatur, differaturque in alterum diem ipsius purgatio, moræ compendium fuerit; sequentis accessionis intolerabilius violentia, & totius quoque morbi aut longinquior, aut calamitosior exitus.

Ergo inclinante febrium intermittentiū accessione peropportuna purgatio.

Proponebat Lutetiæ MICHAEL MARE'S Parisinus. A. R. S. H. M. DC. XXXVII.

DOMINI DOCTORES DISPUTAVRI.

M. Nicolaus Cappon.
M. Nicolaus Richard.
M. Petrus Mercier.

M. Claudius Guerin.
M. Petrus Yvelin.
M. Petrus Richer.

M. Claudius Guenais.
M. Franciscus Guenaut.
M. Ioannes Merler.